



太平御覽

三十七




内閣文庫	
番號	漢 1842
冊數	240 ( 37 )
函號	列 14 1












太平御覽卷第七十八

皇王部三



天皇

地皇

人皇

有巢氏

燧人氏

女媧氏

炎帝神農氏

天皇

項峻始學篇曰天地立有天皇十二頭號曰天灵治萬八千歲  
以木德王

洞冥記曰天皇十二頭一姓十二人也



徐整三五曆記曰溟滓始牙濛鴻滋萌歲起攝提元氣肇啓有神靈人十三號曰天皇

洞紀曰古人質以頭為數猶鳥獸以頭記也若云十頭鹿非十頭者也

春秋緯曰天皇地皇人皇凡第九人分為九州長天下也河圖

括地象曰天皇九翼題名旋復帝系譜曰天地初起即生天皇

治萬千歲以木德王

遁甲開山圖曰天皇被跡在桂州崑崙山下榮氏注曰天皇兄人身兒相

類不可分別活在桂州崑崙山下

地皇

項峻始學篇曰地皇十二頭治萬八千歲

洞紀曰地皇十二頭

帝系譜曰地皇治一萬八千歲以火德王

三五曆記曰有神聖人十二頭號地皇

遁甲開山圖曰地皇與於熊耳龍門山榮氏注曰地皇兄第十人面兒皆如女子兒皆

相類虵身獸足生於龍門山下

人皇

春秋命曆序曰人皇氏九頭駕六羽乘雲車出谷曰分九州宋均



注曰九頭兄弟九人也

項峻始學篇曰人皇九州頭兄弟各三分人各百歲依山川土地之勢財度為九州各居其一乃因是而區別

遁甲開山圖曰人皇起於形馬

榮氏注曰人皇兄弟九人生於形馬山身有九也

三五立曆紀曰有神聖人九頭號人

馬批云一百六十五代合四萬五千六百年

天皇地皇人皇為太古

### 有巢氏

禮曰昔先王未有宮室冬則居橧窟夏則居橧巢

鄭玄注曰冬則居土暑則

積聚薪柴居其土也

項峻始學篇曰上古皆穴處有聖人教之巢居號大巢氏人南

方人巢居北方人穴處古之遺俗也

皇甫謐以為有巢在女媧之後

韓子曰上古之世人民少而禽獸多人不勝禽獸地虺有聖人

作構木為以避群害而人悅之使王天下號之曰有巢氏

遁甲開山圖曰石樓山在瑯邪昔有巢氏治此南山

王天下百有餘代末

詳年代也

### 燧人氏

無文籍未有甲曆紀年歲

易通卦驗曰燧皇始出掘機矩表計冥圖其刻曰蒼渠通灵

鄭玄

注曰炬法也燧皇世謂燧人在伏羲前作其圖謂之計冥時無書刻石而謂之耳刻曰倉精粟宥之人能通神靈之意也



尚書大傳曰燧人為燧人以火紀陽也陽尊故託燧皇於天  
禮含文嘉曰燧人始鑽木取火炮生為熟含入無復疾有異於  
禽獸遂天之意故為燧人

古使考曰古之初人吮露精食草木實穴居野處山居則石鳥  
獸衣其羽反飲血如毛近水則食魚鼈螺蛤未有火向腥臊多  
害腸胃於是聖人以火德王造作鑽燧出火教人熟食鑄金  
作刃民人大悅號曰燧人

禮曰昔者先王未有火化食腥也食草木之實為獸之肉飲其血  
茹有毛此上古之時也後聖人有作起然後脩火之材範金鉢作器用合土

瓦甒甗及人以炮以燔以烹以炙以為醴酪

王子年拾遺錄曰遂明國有大樹名遂屈盤萬頃後世有聖人  
遊食月之外至於其國息此樹下有鳥啄樹朶然火出聖人感  
焉因用小技鑽火號燧人氏

### 太昊庖犧氏

皇世紀曰太昊帝庖犧氏風姓也虵身人首有聖德都陳作  
瑟三十六絃燧人氏沒庖犧氏代之繼天而生首德於木為百  
王先帝出於震未有所因故位在東方主春相日之明是稱大  
昊制嫁娶之禮取犧牲以充庖厨故號曰庖犧皇後世音謬故



哉謂之密犧

一辭云處古伏字後設以處為密故號曰密犧

一號雄皇氏在位一百一十年

易下繫曰古者庖犧氏之王天下仰則觀相於天俯諸身遠取諸物觀鳥獸之文與天地之宜近取諸身遠取諸物於是始作八卦以通神明之德以類萬物之情結繩而為網罟以略以漁蓋取諸離

河圖曰伏犧禪於伯牛鑽木作火

易坤靈圖曰處犧時立允部民易理

易通卦驗曰處犧方牙蒼精作易無書以畫事

鄭玄曰密犧時質樸作易以為

政令而不書但以畫其事之刑象而已

詩含神霧曰大跡出雷澤華胥履之生犧

宋均注曰雷澤名華胥伏犧氏母

禮含文嘉曰伏者別也犧者獻也法也伏犧德洽上下天應之

以鳥獸文章地應之以龜書伏犧乃則象作易卦

傳曰郟子曰太皞氏以龍紀故為龍師而龍名

杜預注曰太皞伏犧氏風姓祖

也有龍瑞故以龍令官

春秋內事曰伏犧氏以木德王天下之人未有室宅未有水火之和於是乃仰觀天文俯察地理始畫八卦足天地之位八陰陽之數推列三光建分八節以文應氣凡二十四消息禍福以



制吉凶

又曰天地開闢五緯各在其方至伏犧乃合故以為故

孝經揆神契曰伏犧氏曰角衡連珠

宋均曰伏犧木精精也日角有骨表取象曰所出房

所立有星也衡中有骨表而連珠象玉衡有星也

又曰鈞命決曰華胥履跡恠生皇犧

宋均曰伏犧木精人也履跡而生以為奇恠也

遁甲開山圖曰仇夷山四絕孤立太昊之治伏犧生處

帝系譜曰伏犧人頭蛇身以十月四日人定時生

崔寔政論曰太昊之世設九庖官魏陳王槽植

庖犧贊曰木德風姓八卦創焉龍瑞名官法地象天庖犧厨祭

祀畧綱畋瑟以像時神德通玄

### 女媧氏

帝王世紀曰女媧氏亦風姓也承庖犧制度亦蛇身人首一號

女希是為女皇未有諸侯有共工氏任智刑以強伯而不生以

水承木非行次故意不載

婦藏曰昔女媧筮張雲幕救占之曰吉昭昭九州日月代極均

平土地和合四國

山海經曰女媧之腸化為神處粟廣之也

郭璞注曰女媧古神女而帝者人面蛇身

一日中七十變其腸化為此神粟廣野名也



禮曰女媧之笙簧

女媧三皇承審義者笙簧笙中之簧也  
世本曰女媧作笙簧也

淮南子曰往古之時四極廢九州裂天不兼覆地不周載火濫

焱而不滅水浩漾而不息猛獸食精民高誘注曰鷲鳥攬老弱

於是女媧煉五色石以補蒼天

女媧陰事佐伏犧治者也

斷鼈足以立四極

黑龍水精也力牧山稽殺之以上雨也  
涿猶乾也冀州中謂合如每之內

積芦灰以止滔水

芦葦也  
箬生於

水故積聚其灰以止於滔  
水平地出水為滔水

民生皆方州犯周天

方州地已和春陽夏

枕方寢繩

方矩四寸也寢繩直身而臥也

風俗通曰俗說天地開闢夫有人民女媧博黄土作人劇務力

不暇供乃引繩於泥中牽以為人故富貴者黄土人也貧賤凡

庸者組人也

遁甲開山圖曰女媧氏沒大庭氏王有天下鳳異色次有栢皇

氏中央氏粟陸氏驟連氏赫胥氏朱襄氏無懷氏凡十五尊芦

氏朱襄氏無襄氏祝融氏混沌氏吳英氏有巢氏葛天氏陰康

氏凡十五代皆襲庖犧之號自無懷氏已上經史不載莫知都

之在所

共工氏水德君木德火德之間霸而不王少媧是三皇之一稱三皇者多有不同以太昊炎帝為三皇其二或

稱女媧或稱祝融或稱共工未知孰是自女媧至  
無懷十五代合一万七千七百八十七歲

魏陳王曹植女媧贊曰古之國君製造笙簧禮物未就軒轅纂

成或云二君人首蛇身神化七十何德之灵



炎帝神農氏

帝王世紀曰神農氏姜姓也母曰任以有喬氏之女名登為少  
典妃遊於華陽有神龍首感女登於帝羊炎帝人身牛首長於  
姜水有聖德以火承木位在南方王夏故謂之炎帝都於陳作  
五絃之琴凡八世帝承帝臨帝明帝直帝末帝哀帝榆罔又曰  
本起烈山或時稱之一號魁隗氏是為農皇或曰帝炎諸侯夙  
沙氏叛不用命炎帝退而修德夙沙之氏自改其君而婦炎帝  
營都于魯重八卦之數究八八之躰為六十四卦在位百二十  
年而崩葬長以

易下繫曰神農氏作斷木耜揉木為耒耒耜之利以教天下蓋  
取諸益

禮含文嘉曰神者信也農者濃也始作耒耜教民耕其德濃厚  
若神故為神農也

古史考曰炎帝有大應故置官師皆以為火名

傳曰剡子曰炎帝以火紀故為火師而火名

杜預注曰神農姜姓之相也有火瑞

以火紀事名官也

春秋命曆序曰有神名石耳倉色大眉戴玉理

日月清明有次序故神應和氣

以生也玉理猶玉英玉勝也

駕六龍出地輔號皇神農始立地形甄度四海



東西九十萬里南北八十一萬里

折為如此其教如神農殖樹木使民粒食故天下號曰皇

神農也魏紀地形遠近山川林澤所至

孝經鈞命決曰任已感龍生帝魁

任已帝魁之母也魁神農名已或作似也

興略曰武王滅紂封神農之後於誰

文子曰赤帝為火災故黃帝禽之

越絕書曰神農不貪天下而天下共富之不以其智自貴於人

而天下共尊之

莊子曰芻苴甘與神農同學於老龍吉神農隱枳闔戶晝暝芻

苴甘日中參戶而入曰老龍死矣神農隱凡擁扶而起暴然致

扶而笑曰天知予僻陋慢誕故弃予也而死已

語死不足驚政還故扶笑

尸子曰神農氏夫負妻載以始天下堯曰朕之比神農猶旦之

與婚也

又曰神農氏七十世有天下豈每世賢哉牧民易也

淮南子曰古者民茹草飲水採樹木之實食羸畔之肉時多疾

病毒傷之害於是神農乃始教民播種五穀相土地之宜燥濕

肥饒高下嘗百草之滋味泉之甘苦令民知所避就當此之時

一日而七十毒

又曰神農之治天下也神農馳於胸中知不出於四域懷其仁



誠之心甘雨以時五穀播殖春生夏長秋收冬藏月省時考終  
歲獻貢以時賞穀祀于明堂之制有善而無惡風雨不能襲燥  
濕不能傷養民以公其民撲重端慤不忿爭而財足不勞形而  
成功因天地之貢資而與之和同是故威厲而不試刑措而不  
用法省而煩教化如神其地南至交趾北至幽都東至陽谷西  
至三危莫不聽從當此之時法寬形緩囹圄空虛而天下一俗  
莫懷姦心

又曰神農皇帝襲九空重九望

九空九天也  
九望九地也

神農本草曰神農

稽首再拜問於太一小子曰曾聞古之時壽過百歲而殂落之

各獨何氣使然耶太一小子曰天有九門中道最良神農及從  
其嘗藥以扶救人命

周書曰神農之時天雨粟神農耕而種之作陶冶斤斧為耒耜  
鉏耨以墾草莽然後五谷興

呂氏春秋曰神農教曰士有當年不耕者則天下或受其飢矣  
女有當年不績者則天下或受其寒矣故夫親耕妻親績

賈誼書曰神農以為走禽難以久養民乃求可食之物當百草  
實察鹹若之味教民食穀

陸景典略曰神農嘗百草嘗五穀蒸民乃粒食



荆州圖紀曰永陽縣西北二百三十里厲鄉山東有石穴昔神農生於厲鄉礼所謂烈山氏也後春秋時為利國穴高三十丈長二百丈謂之神農穴

太平御覽卷第七十八

太平御覽卷第七十九

皇王部四

黃帝軒轅氏

少昊金天氏

顓頊高陽氏

黃帝軒轅氏

史記曰黃帝者少典之子姓公孫名軒轅諸侯有不順者從而征之未嘗寧居東至於海東丸山及岱宗西至崆峒登鷄頭山南江登熊湘北極葷粥合符釜山而邑于涿鹿之阿遷徙無常處以師兵為營衛官名皆以云置左右大監監于萬國獲寶鼎



舉風后力牧常先大鴻以治民有土德之瑞故號曰黃帝有二  
十五子其得姓者十四人黃帝居軒轅之丘而娶於西陵氏之  
女是為嫫祖為正妃生二子其後皆有天下其一曰玄囂是為  
青陽降居天水其二曰昌應降居弱水昌意娶蜀山氏女曰昌  
僕生高陽有聖德焉黃帝崩葬橋山其孫昌意之子高陽立是  
為帝顓頊

又封禪書曰黃帝採首山銅鑄鼎於荆山下鼎既成有龍垂胡  
鬣下迎黃帝上騎群臣後宮從上者七十餘人餘小臣不得上  
乃悉持龍鬣拔墮墮帝之弓百姓仰望帝既上乃抱其弓與龍

鬣而號故後世因名其處曰鼎湖其弓曰鳥號

又曰漢武帝北巡狩還祭黃帝冢上曰吾聞黃帝不死今有  
冢何也我對曰黃帝已仙上天群臣葬其衣冠耳

帝王世紀曰黃帝有熊氏少典子姬姓也母曰附寶其先既炎  
帝母家有矯氏之女與少典氏婚故國語兼稱焉及神農之氏  
未與少氏又取附寶見大電光繞北斗極星照郊野感附寶孕  
二十五月生黃帝於壽丘長于姬水龍顏有聖德受國於有熊  
居軒轅之丘故因以為名又以為號與神農氏戰於阪泉之野  
二戰而克之力牧常先大鴻神農皇直封鉅人鎮大山摭鬼史



區封胡孔申等或以為師或以為將分掌四方各如已視故號  
曰黃帝四目又使岐伯嘗味百草典醫療疾今經方百草之書  
咸出焉其史倉頡又取像鳥跡始作文字史官之作蓋自此始  
記其言行策而藏之名曰書契黃帝一號帝鴻氏或曰婦藏氏  
或曰帝軒吹律定姓有四妃生二十五子在位百年而崩年一  
百一十歲

又曰神農氏襄黃帝脩德化民諸侯歸之黃帝於是乃擾馴猛  
獸與神農氏戰於阪泉之野三戰而克之又徵諸侯使力牧神  
皇直討蚩尤氏擒之于涿鹿之野使應龍殺之于凶黎之丘九

五十五戰而天下大服或傳以至仙或言壽三百歲塋於上郡  
陽周之喬山

鬻子曰黃帝耳十歲知神農之非而改其政

春秋內事曰軒轅氏以土德望天下始有堂室高棟深宇以避  
風雨

孝經鈞命決曰附寶出降大靈生帝軒  
附寶帝軒母也電皇精  
軒轅氣也軒皇帝名附

或作  
附也

古史考曰有熊氏已姓或曰姓公孫

山海經曰有人衣青名曰黃帝女妖  
青魁早  
魁也 蚩尤作兵伐黃帝



黃帝乃令應龍攻之冀州之也

冀州中土

應龍蓄水蚩尤請風伯雨

師從大風雨黃帝乃下天女曰妖雨止遂殺蚩尤

歸藏曰昔黃神與炎神爭鬪涿鹿之野將戰筮於巫咸曰果哉而有咎

易下繫曰黃帝垂衣裳而天下治蓋取諸乾坤

河圖握拒曰黃帝名軒北斗黃神之精母地祇之女附寶之郊野大電統斗樞星耀感附寶生胃中文曰黃帝子

河圖挺佐輔曰黃帝脩德立義天下治乃召天老曰問焉餘夢見雨龍挺曰國即帝以燬余於河之都蒼昧素喜不知其理敢

問於子天老曰河出龍圖雒出龜書紀帝錄州聖人所紀姓號興謀治平然後鳳凰處之今鳳凰以下三百六十日矣古之圖紀天其授帝圖乎皇帝乃妖齋七日衣冠黃冕駕黃龍之乘大交龍之旗天老五聖皆從以遊河洛之間求所夢見者之處弗得至於翠嬀之淵大芦魚沂流而至乃問天老曰子見夫中河流者乎曰見之願問五聖皆曰莫見乃辭左右獨與天老跪而迎之五色畢其天老以授黃帝帝舒視之名曰錄圖龍魚河圖曰黃龍負圖鱗甲成甲從河中出付黃帝令侍臣自寫以示天下



又曰黃攝政前有蚩尤兄弟八十一人並獸身人語銅頭鉄額  
食沙石子造立兵仗力戰天弩威振天下誅殺無道不仁不慈  
方民欲令黃帝行天子事黃帝仁義不能禁止蚩尤遂不敵乃  
仰而天歎天遣玄女不授黃帝兵信神符制伏蚩尤以制八方  
蚩尤淡後尺下復擾亂不寧黃遂畫蚩尤形像以威天下天下  
咸謂蚩尤不死八方万邦皆為殄伏

尚書中候曰帝軒提像配求循機軒軒轅黃帝名求長也循順也黃皇軒轅觀攝提之象配  
而將之以長為天地休通五行期  
順升機為政行應四時之期而变化河龍  
圖出龍陶圖洛龜書威龜負書而出威則也赤文像字以授軒轅

韓詩外傳曰黃帝召天老而問鳳像何老天老夫鳳像鴻前而  
鱗後蛇頸而魚尾龍文而鷄身鷲項而鷄喙黃帝仍齋于中宮  
鳳蔽日而至黃帝降於東階西面再拜稽首皇天降祉敢不承  
命鳳乃止帝東園

詩含神霧曰大電統樞炤郊野感附寶生黃帝

大戴禮曰宰我問於孔子曰昔者子問諸萊君黃帝三百年請  
問黃帝者人也抑非人耶何以至於三百年孔子曰黃帝少典  
之子也曰軒轅生而神靈弱而能言教熊羆貔貅豹虎以與赤  
帝大戰於阪泉之野三戰然後得行其志黃帝斧拂衣天帶斧



裳乘龍駕雲勞懃心力耳自鄧用水火財物生而民其得利百  
年死而民得其神百年亡而民用其教百年故曰三百年  
傳曰黃帝以雲紀故為雲師而云名

春秋元命苞曰黃帝龍顏得天庭陽上法中宿取像文昌戴天  
履陰秉教制剛顏有龍像以軒轅也庭陽大微庭也效天文  
在首履陰陰字在足下也制剛紀也紀正四輔也

管子曰黃帝得蚩尤而明乎天道得太常而祭乎地利得蒼龍  
而辨乎東方得祝融而辨乎南方得火封而辨乎西方得后土  
而辨乎北方黃帝得六相天下治

又曰黃帝鎮燧生火以熟葷臊民食之無腸胃之病

烈子曰黃帝即位十有五年竭聰明進智力營百姓熈然肌色

千古厚皮切黯昏然百情爽惑用聰明未足以致治  
祗足亂神也黃帝乃喟然歎

曰朕之過淫矣淫當作深養一己其患如此治萬物其患如此准

不而養從而自治則姓命自反天下自安於是放万機舍宮寢去直侍撤鍾懸減

厨膳退而閑居大庭之館齋心服形心無欲則形是眠以三月不親政事

晝寢而夢將明至理不可以情求故寄之於夢全入無夢也遊於華胥氏國華胥氏國

在弇州之西台州之北不必便有此國之明至理必如此耳淮南子云王西曰弇州西北曰合州

不知斯齊國幾千萬里斯難也盖非舟車足力之所及神遊而

已舟車足力形之負耳者神通悅愜不行而至也其國無師長其無嗜慾不知樂生不



知惡死故無夭傷不知親已不知踈物故無憎愛不知背逆不

知向順故無利害

理無先死故無所樂惡理無愛憎故無所親踈理無順逆故無所利害也

都無所

愛憎都無所畏忌入水不溺入火不熱斫健無傷痛

至和者無物能傷溺

熱痛癢寶由矜懼也

乘空如履實寢虛若處床雲霧不閱其視雲霓不亂

其聽美惡取泊其心山谷不躡其步神行而已黃帝既悟然自

得又二十有八年天下大治哉居華胥氏之國而帝登假

假當為遐

莊子曰北門成問於黃帝張咸池之樂於洞庭之野吾所聞之

而懼復聞之而惑帝曰吾奏之以人徵之以天衍之以義禮建

之以太清

以人奏之以天徵之天人合德乃知以春為禮以秋為義太清乃建

又曰黃帝將見大隗于具茨之明山為御昌寓驂乘張若隰明

前馬昆闔滑稽後車至於襄城之也七聖皆迷無所問途適遇

牧馬童子問途焉曰若知具茨之山乎曰然黃帝曰異哉小童

非徒知具茨之山又知大隗之所存吾曰然黃帝曰吾子之事

雖然請問為天下小童辭黃帝又問小童曰天下者亦奚以異

乎牧馬者哉亦去其害馬者而已矣

馬以過分為害

黃帝稽首再拜稱

天師而退

又曰黃帝聞廣成子在於崆峒之上故往見之曰敢問至道之

精廣成子曰自而治天下雲氣不待族而雨草木不待黃而落



日月之光益以荒矣又奚足以語至道黃帝退損天下築特室  
席白茅間居三月復往邀之廣成子南首而卧黃帝從下風膝  
行而進丹拜稽首而問曰吾聞子達於至道敢問治身奈何而  
可以長久廣成子蹙然而起曰善哉問乎來吾語汝至道之精  
窈冥冥至道之極昏默默無視無聽抱神以靜形將自正我脩  
身千二百歲矣吾形未嘗衰黃帝再拜稽首曰廣成子之謂天矣  
尸子曰子貢曰古者黃帝四面信乎孔子曰黃帝取合己者四  
人使治四方不計而耦不約而成此之謂四面

韓子曰師廣謂晉平公曰黃帝合鬼神於西太山之上駕象車

六交龍畢方並館蚩尤居前風伯盡掃雨師洒道乃作為清角  
之樂

淮南子曰黃帝治天下而力拔太山稽輔之

力拔太山稽輔則黃帝之師也孟子

曰王者師臣也以理日月星辰之治陰陽之氣節四時之度正律曆之

數明上下等貴賤使強不得暴家人民保命不夭

安能性命不夭札也歲

時熟而不凶

不亮無災害也

百官正而無私

皆在公也

上下謂調而無尤

君調

臣和無尤過也法令明而不闇輔佐公而不阿

卿士公正不阿意曲從

田者不侵

畔漁者不爭隈

曲深處無所聚者也

道不捨遺市不豫價城郭不闕

閉也

邑無盜賊商族之人相讓以財狗彘吐菽粟於道路而無忿爭



之心於是日月精明星辰不失其道風雨時節五穀登熟虎豹不妄噬驚鳥不妄搏鳳凰翔於庭麒麟擾於郊青龍進駕飛黃伏皂飛黃也西方伏伏如孤頂上有角乘之壽千歲皂橙也諸北儋耳之國莫不獻其貢

職皆北極之夷國

論衡曰謚法靜民則法曰黃帝者安民之謚非得道之稱也

蔣子萬機論曰黃帝之初養性愛民不好戰伐而四帝各以方色稱號交共謀之邊城曰鶩介胄不釋黃帝歎曰夫君危於上民安于下主失於國在臣再稼厥病之由非養寇耶今處民萌之上而回盜亢衡通震子師於是遂即營壘以戒回帝向令黃

帝若不龍驤虎變而與俗同道則其民臣亦嫁於四帝矣

抱朴子曰黃帝生而能言後使百灵可謂天殺自然之体者猶復不敢端坐而得道故陟王屋而受丹經到崑湖而飛流珠登崆峒而問廣成上其茨而事大隗適東岱而奉中皇入金谷而謚老子論道養則質玄素二女精推步則訪山稽力牧講占候則詢風著体詠則受雷岐審攻戟則納五音之策窮神奸則記日澤之亂相也理則書青鳥之說救傷殘則綴金治之術故能畢記秘要窮盡通貞

又曰黃帝東到青丘過風山見紫府先受三皇內文以劾召萬



柙南道負隴蔭木觀百靈之所登採若乾之華飲丹蛭之水西  
見中黃子受禮品之方過崆峒從廣成子受自然之經北到洪  
提上具茨見大隗君黃蓋童子授神之圖還滯王居得神丹注  
說到峨嵋山見皇人於玉堂

又曰汲郡塚中竹書言黃帝既仙去其臣有左徹者削木為黃  
帝之像師諸侯朝奉之故司空張茂先撰博物志亦云黃帝仙  
去其臣思戀罔極或刻木立像而朝之或取其衣冠而塋之或  
立廟而四時祠之

孫綽子曰黃帝之遊天衢奏鈞天之鼓建日月之旗乘稠雲之

輿駕八翼之龍彭祖前馳松喬俠轂光景流而不建長風逐而  
不及發軔紫宮不崇朝而匝六合也

符子曰黃帝將適昆虞之丘中路逢容成子乘翠華之蓋建日  
月之旗驟紫虬御双鳥黃帝命方明避路謂容成子曰吾將鈞  
于一壑栖于一丘

又曰黃帝謂其友無為子我勞天下矣疲於形役請息駕於玄  
圃子且代之焉能弃我之逸而為君之勞哉乃舉龍而俱去

晉牽秀黃帝頌曰邈矣軒轅應天載靈通幽遠覽觀象設形誕  
敷厥訓彛倫攸經德從風流化與雲征皇猷允塞地平天成爰



登方岳封禪動成紛然鳳牽龍騰太清違落九土陟彼高冥民  
斯攸慕涕泗沾纓遐而不墜式頌德声有巢氏已降至皇帝為  
三皇號中古

少昊金天氏

帝王世紀曰少昊帝名摯字青陽姬姓也母曰女節黃帝時有  
大星如虹下流華渚女節夢接意感生少昊是為玄囂降居江  
水有聖德邑于窮桑以登帝位都曲阜故或謂之窮桑帝以金  
承土德帝圖讖所謂白帝朱宣者也故稱少昊號金天氏在位  
百年而崩

河圖曰大星如虹下流華渚女節氣感生白帝朱宣

宋均注云朱宣少昊氏也

古史考曰窮桑氏嬴姓也以金德王故號金天氏或曰宗師太  
昊之道故曰少昊

遁甲開山圖曰帝少昊死葬雲陽山

傳曰魯昭公十七年郊子來朝昭子問焉曰少皞氏鳥名官何  
故曰郊子曰吾祖也我高祖少皞摯之立也鳳鳥適至故紀於  
鳥為鳥師而鳥名鳳鳥氏歷正也玄鳥氏司分者也伯趙氏師  
空者也青鳥氏司啓者也丹鳥氏司閉者也祝鳩氏司徒者也  
鷓鴣氏司馬也鳩鳩氏司空也爽鳩氏司寇也鷓鴣氏司事也



鳩鳩氏民者也五雉為五工正利器用正度量夷民者也九扈  
為九農正扈氏無淫者也

魏曹植少昊贊曰自軒轅青陽之裔金德承土儀鳳帝世官鳥  
號名殊眈別系農正扈民各有品制

顓頊高陽氏

史記曰顓頊靜淵以有謀疏通而知事養材以任地載時以像  
天依鬼神以制義治氣以教化絜誠以祭祀生子曰窮禪顓頊  
崩而玄囂之孫高辛立是為帝告

與告同

古史考曰高陽氏妘姓以水德王

帝王曲紀曰帝顓頊高陽氏黃帝之孫昌意之子姬姓也母曰  
景僕蜀山氏女為昌意正妃謂之女樞金天氏之末女樞生顓  
頊於若水首戴干戈有聖德父昌意雖黃帝之裔以劣降居若  
水為諸侯顓頊生十年而佐少昊十二年而冠二十而登帝位  
平九黎之亂以大事紀官命南正重司天以屬神北正黎司地  
以屬民於是神不雜萬物有序始都窮桑後徙商立命飛龍効  
八風之音作樂五英以祭上帝納勝墳民女媧生老童有才子  
八人號八凱顓頊在位七十八年年九十一歲歲在鷄火而崩  
葬東效頊立廣陽里



河圖曰瑤光之星如蜺貫月正白感女樞幽房之宮生黑帝顓頊  
大戴禮曰宰我曰請問帝顓頊孔子曰顓頊黃帝之孫昌意之  
子乘龍而王四海北至幽陵南至交趾西濟於沙流東至於蟠  
木動靜之物大小之神日月所照莫不砥礪

春秋元命苞曰顓頊併幹上法月忝集威光紀以理陰陽

併猶重也

水精主曰參代主斬劉成  
功兼此月戕重助費以為表也

山海經曰黃帝妻嫫祖生昌意降處若水生幹流取倬子曰河  
女生帝顓頊

又曰顓頊死即復蘇

淮南子顓頊之法婦人不避男子於路者杖之於回達之衢

杖音

拂除其  
不祥

魏曹植帝顓頊贊曰昌意之子祖自軒轅始誅九黎水德統天下  
圖為號風化神宣威暢八極靡不砥處



太平御覽卷第八十

皇王部五

帝嚳高辛氏

帝摯

帝堯陶唐氏

帝嚳高辛氏

史記曰帝嚳高辛氏者黃帝之曾孫也父曰蟠極蟠極父曰玄  
囂々父曰黃帝自玄囂與蟠極皆不得在位至高辛即位  
高辛於顓頊為族子其色郁々其得歲々日月所照風雨所至  
莫不從服帝嚳娶陳鋒氏女生放勳娶姬訾氏女生摯帝嚳崩



而摯代立帝王世紀曰帝嚳高辛氏姬姓也其母不見生而神  
異自言其名曰逡斷蔭有聖德年有十五而佐顓頊王十登帝  
位都亳以人事紀官故以勾芒為木正祝融為火正蓐收為金  
正玄冥為水正後土為土正是五得之官分職而治諸侯於是  
化被天下遂作樂六莖以康位世有才子八人號曰八元亦納  
四妃不其子皆有天下元妃有台氏女曰姜嫄生后稷次有娥  
氏女曰簡翟生高次陳豐氏女曰慶都生放勳媿訾氏女曰常  
儀生帝嚳帝嚳氏位七十五年一百五歲而崩葬東原項丘

廣陽里

陶弘景云在五十六  
三年九十二

大戴禮曰宰我曰請問帝嚳孔子曰玄囂之孫嶠極之子曰高  
辛氏生而神灵自言其名取地之財而節用之撫教民萬而利  
誨之歷日月而迎送之明鬼神而敬之事其色嶠其德浹其動  
也時其服也土春夏乘龍秋冬乘馬黃斧紼衣執中而獲天下  
禮記祭注曰帝嚳註序星辰以著衆

春秋元命苞曰帝嚳戴千是謂清明發節移蓋像招搖

千稍也  
招搖為

天稍相副戴之像見  
天中為表

古史考曰高辛氏或曰房姓以木德王

張昞折言曰高辛氏初生自言其名其君民終無迷謬魏陳王



曹植帝魯贊曰祖自軒轅玄囂之裔生言其名木德帝世撫寧  
天地神灵察教弭四海明並日月

### 帝摯

帝王世紀曰帝摯之母於四人之中其班最下而摯年兄弟最  
長故得登帝位封異母弟放勛為唐侯摯在位九年政軟弱而  
唐侯德威諸侯歸之摯服其義乃率其群臣造唐朝而致禪因  
委心願為臣唐侯於是知有天命乃受帝禪而封摯於高氏辛  
事不經見漢故議即東海衛宏傳云爾

### 帝堯陶唐氏

帝王世紀曰帝堯陶唐氏祁姓也母曰慶都孕十四月而生堯  
於丹陵名曰放勛或從母姓伊祁氏年十五而佐帝摯授封於  
唐為諸侯身長十尺常夢攀天而上之故年二十而登帝位  
以火水木都平陽置敢諫之鼓天下太和命羲和四子羲仲  
羲叔和仲和叔分掌四嶽諸侯有苗氏處南蠻而不服堯征  
而克之于丹之水浦乃以尹壽許由為師命伯夔訪山川谿  
谷之音作桑六章天下太和百姓無事有八十老人擊壤子道  
觀者歎曰大哉常之德也老人曰吾日出而作日入而息鑿井  
而飲耕田而食帝何力於我哉有樵佻氏來貢浚羽厨中自生



肉脯如翼形搖輒自生風使食物寒而不臭名曰翼脯又有草  
夾階而生隨曰生死王者以是占日月之數惟盛德之君應和  
而生故堯有之名冀莢一名歷英始封稷契咎繇褒進伯禹納  
舜于大麓後年二月又率群臣刻壁為書東沉于洛言天命當  
博舜之意今中侯運衡之篇是也舜攝政二十八年堯與方迴  
遊陽城而崩尚書所謂二十有八載放勳乃殛落是也百姓加  
喪考妣三載四海過密八音凡堯即位九十八年百一十八歲  
墨子以為堯堂高三尺土階三等堯取散宜氏女曰皇生丹朱  
又有庶子九人皆不肖以天下命舜

又曰帝堯氏作始封於唐今中山唐縣是也堯山在岷唐水西  
在北入河南有望都縣有都山即堯母慶都之所居也相去五  
十里都山一名豆山北登堯山南望都山故名其縣口望都  
春秋合誠圖曰堯母慶都有名於世蓋大帝之女生於斗維之  
野常在三河之南天大雷電有血流潤大石之中生慶都長大  
形像大帝常有黃雲復蓋之夢食不飢及年二寄伊長孺家出  
觀三河之首常有神隨之者三河之首東河北端有赤龍負圓出慶都  
讀之志受天運運也下有圖人衣赤帝起志光面八彩鬚髮長  
七尺二寸允上豐下足履翼、署曰赤帝起誠天下寶衣呈光  
光像而



文着衣也八彩也色有八也翼星大位宿  
也日人旁有此署文七千也  
奄然陰風雨赤龍

與慶都合婚有眼龍消不見  
龍乘風雲故光陰風力天至也  
婚猶會合或為結也

既乳視堯如圖表及堯有知慶都以圖予堯  
如晉人儀表也

孝經援雲契曰堯鳥庭荷勝八眉  
堯父精人也鳥庭有鳥骨表取像朱鳥與太微庭

也朱鳥於至荷勝以之人眉  
也彩也有八

論語曰大哉堯之為君也巍々乎唯天為大唯堯則之  
孔安國曰見法

也美堯則法天而行之也蕩蕩乎民無能名焉  
蕩廣陽之稱布德遠民元誠名

巍々乎其有成功也  
功成化隆高天巍巍

孔藝子曰堯身脩十尺眉乃八彩實聖也

龍魚河圖曰堯時與群臣賢者則翠媯之淵大龜負圖來出授

堯勅臣下寫取畢龜還水中易神異圖曰其母崩之玄雲入戶

蛟龍守門  
毋為慶都也天皇之女天帝以玄云覆御之帝必有洪水之灾大生

聖人使救人之故言乃統天也

書曰若稽古帝堯  
孔要國曰若順稽考也能順考道帝行之者帝堯曰放勳欽明文

思安安  
勳功欽敬也言克放上世之初礼而以敬明文思之四德安天當安者也允恭克讓光被

四表格于上下  
允信也克能也克允托至也既有四德又信恭能謙故其名聞克益四外至于大地也

克明俊德以親九族  
能明俊德之士任用之以睦高祖至玄孫之親九族既睦平章百

姓  
既已也百姓官也言化九族而平章明也百姓昭明協和萬邦黎民於變時苞



昭亦明也協和黎衆特是衆和也言天下衆民皆交皆是以夙均大和也

尚書中族曰帝堯即正七十載景星出翼鳳凰止庭節玄日注翼朱宿鳥

朱草生郊嘉禾孳連甘露潤液醴泉出山朱草可以染服者加美也書序曰唐叔得

和翼畝同頭此汪之為孳連醴以甘脩壇河維榮光起河休氣四塞休美也榮光也五色

從河出美氣四塞炫耀媚也白雲起回氣搖龍馬御申赤文綠色龍行像為也赤

標怒之便也甲所以威圖志臨壇止霽吐甲圖而帶足帶去霽齊志止也帶足音

也

又曰中侯運行曰帝堯率群臣東沉子維刻壁書曰天子臣旋

勛德薄施行不元元善也

尚書大傳曰堯八有舜四童子八者如入字也

又曰堯舜之王天下一人不行而四海洽

春秋元命色曰堯眉八彩是謂通明曆像日月旋璣玉衡大戴

曰曰宰我曰請問帝堯孔子曰高辛之日子也曰放勛其仁如

天其知如神就之如日望之如雲富而不驕貴而不豫雲黃斧

紉衣彤牢乘白馬六韜曰太公曰帝堯王天下之時金銀珠玉

弗服錦綉文綺弗衣奇恠異物弗聽宮垣房室弗崇榻掾柱楹

不澡飾茅茨之蓋弗剪齊蔽黼之絰履不弊畫不便為也滋味

不重糝弗食也溫飭煖羹不酸餒不易地也不以私曲之放留



耕種之時削心約志從事無予為

莊子曰昔堯文治天下也使天下人欣欣焉人樂其性

又曰堯治天下之民平海內之政往見四子於姑射之中分水

之陽窅然喪其天下

四子許由 壺缺 披衣 王倪也 窅然猶幽然自失之見言堯也 同事之心至分無為之人故

亦無所用也

又曰堯觀于華封華封人曰嘻謂祝聖人使聖人壽使聖人富

使聖人多男子堯曰多男子則多懼多富則多事多壽則多辱

封人曰夫聖人鶉居鵲食鳥行而無草天下有道則與物皆昌

天下無道則脩就之間千歲厭世去而上仙乘彼白雲至于帝

鄉三患莫至身常無殃

又曰堯治天下伯成子高立為諸侯及堯授舜授禹子高辭

為諸侯而耕禹往見之曰堯治天下吾子立為諸侯堯授舜

授余吾子辭之敢問何也子高曰昔堯治天下不賞而人歡不

罰而人畏子今賞罰而人且不仁德自此衰刑自此立從世之

亂自此始矣無落吾事佶佶乎音莖耕而不顧

尸子曰人之言居天下者滄臺九累而堯曰屋歎衣九種而堯

大布宮中三市而堯鶉居橛飯菜粥麒麟青龍而堯素車玄駒

又曰堯舜有天下四海之內皆治而禹朱商均不與焉而謂皆



治者衆也

又曰舜授天下顏色不變堯以天下與舜顏色不變知天下無能益損於已也

又曰人戴冠履莫譽堯非榮敬士侮慢故敬侮之譽毀之非其敢也

韓子曰堯之王天下冬日鹿裘夏日葛衣茅茨不剪採掾斷孺梁之食藜藿之美雖監門之養不敵於此矣

又曰由余謂秦穆公曰昔堯有天下飯於土軌飲於土形其土南至交趾北至幽都東西日月所出入者無不賓服呂氏春秋

曰堯有子十人不與其子而授受

孟子曰堯使九男二文事舜也

又曰堯以天下讓於子州父對曰以我為天子猶之可也雖

然我適有幽憂之病方將治之未暇在天下也

幽隱也詩曰如天有隱憂

下重物也而不以天下害其生者故可託天下

淮南子曰堯之治天下也舜為司徒契為司馬禹為司空后稷

為大田師奚仲為工其尊萬民也水處治木谷處者牧陸處者

農地冥其事、宜其械、宜其用、宜其神澤阜織罔陵改耕

田得以所有易所無以正易所拙是故雖叛者寡而從者衆

譬若播碁於地負者是室方者處高各其所安



又曰人之所以樂為天子者以窮耳目之欲佈適身體之便也

僉高臺層謝之人所麗也而堯採掾不斷言梁柱相

也拑拑玆侏奇味人之所美也堯孺梁之飯黎藿之羹文錦狐白

人之所好也而堯布衣掩形庶表禦寒養生之具不加厚而增

之以大任重之以憂故舉天下而傳之舜若解重負然非直辭

讓也

又曰堯治天下政教乎德潤洽在位七十載乃求所屬天下之

統今四嶽揚側陋四嶽舉舜而薦之堯乃妻以二女以觀

其內任以百官以觀其外既入大麓烈風雷雨不迷林屬於川

舜入林麓之中遭大風雨不迷也乃屬於九子有贈以昭華之玉而傳

天下焉

又曰堯有之天下也非貪萬民之富也而寧人主之位也以為

百姓力屈強弱相乘衆寡相暴於是堯乃身服節檢之行而明

愛之仁以和揖之是故第茨而不剝采掾而不斷大路不畫夫

天子越席不緣越席束蒲序也大羹不和無五味也菜飯不鑿巡狩行教勤

勞天下周流五嶽豈其奉養不足樂哉舉天下以為社稷非

有利焉年哀志閔舉天下之重而傳之舜也猶却行而釋蹤也

又曰堯之時十五日並出樵禾穗殺草木而民無所食寧窳九



嬰大風封豕鑿藍於疇華之澤

疇華南方澤也鑿藍豕獸持戈指羿持弓箭射豕

故九嬰

於凶水之上

九嬰水大之恠為人之害者北收之地有凶水者也

繳大風於青丘之澤

大風

大鷲鳥也繳以石矰繳擊天射之青丘東方丘

上射十日

羿射日墮日中鳥羽

而下教窳窳

庚音

窳窳收如龍庚人窳食人也

斷脩地於洞庭

洞庭庚南方水也其地食像三歲而其骨出也

禽封豕於桑

林封豕大豕也桑林湯禱早也

萬民皆喜置堯為天子也

又曰堯王而天下憂不辭授受而憂乃釋

說苑曰河間獻王曰堯存心於天下有一人飢曰我飢之也有

一人寒曰我寒之也一民有罪曰我陷之也仁而立德博化而

廣故不賞而人歡不罰而人治先生而後殺也是堯道也

楊子法言曰堯能則天者以其能臣二聖、一舜禹也

又曰堯舜之德輕於鴻毛

潛夫論曰堯舜之德譬猶偶獨施明幽室也前燭照之後燭

益明非前燭昧後燭彰也乃二燭相因而成大光

荀悅申覽曰思唐虞於上世瞻仲尼於中古乃如小道足羞也

譙子法訓曰堯避舜於濟陰金定陶有堯塚信乎

符子曰許由謂堯曰坐於華殿之上而雙闔之下君文榮願亦

已足矣天堯曰坐于華殿之上森然而松生棟余立於樞扇之

內罪焉而云生牖雖面雙闔無異乎雀鬼之寇蓬萊雖背郭




無乎迴喪之營崑崙余安之其所以不蒙鄧析言曰古詩  
云堯舜至聖身如脯腊桀紂無道肌膚二尺

夢書曰堯夢乘龍上天舜夢擊天鼓

續述征記曰城陽縣有塚自漢晉二千石乃丞尉刊名甚衆堯  
即位至永嘉三年二千七百二十有一載記于堯碑

魏陳正曹植帝堯贊曰大德統位父則高辛堯流共工萬國同  
塵調適陰陽其惠如春魏、成功則天之神



太平御覽卷第八十



